





皇宋事實類苑序

左朝請大夫權發遣吉州軍州事江少虞撰

古之史者載籍極博其所表見皆不虛書其軼乃時
時見於他說不可不知也太史公網羅天下放失舊
聞至于分散數家之事則甚多疎略後世猶或非之
然則自漢以來千有餘歲君臣善惡治亂之外紛
籍：日有日繁使論著之人隨世褒貶有所未盡况
軼入他說者歷年浸久踈殘之餘不少概見則史失
其傳矣史冊所無有學者不道也錯亂磨滅不可復
知者可勝計耶我宋肇興 聖神克繼垂二百年太

平憲物容典踵治古而增華未有緝熙炳煥可攷如
今者也不刊信史誠足以表覈萬代然而秋省遂嚴
非外學所得見若其遺文逸說事美一時語流千載
者縉紳先生尚能言之往：皆前日命世巨公名卿
老師宿儒以其所接于耳目可以警憲于世者筆之
載錄傳紀無虞數十家嘗惜其畔散不屬難以稽考
曩日餘暇極討論自一話一言皆比附倫類而整
齊之去其文不雅馴或有抵牾者自餘據定條次不
敢以一字增損總凡會目合為一書名曰 皇宋事
寔類苑 聖謨神訓朝事典物与夫勲名賢達前言

往行藝術仙釋神恠之事夷狄風俗之殊織悉備有
釐為二十四門選義按部考詞就班如出一家語不
待旁搜遠覽而太平遺逸之美麗具在足以觀見當
時風政庶幾乎尚有典刑哉此學士大夫之所欲聞
亦喜傳而樂道也深愧識見淺陋擇焉不精取焉不
詳故于每門之末不敢新意訖詞篇：存之將以有
望于君子云紹興十五年五月十七日謹序

皇朝類苑總目卷之一

卷一

祖宗聖訓

太祖皇帝

卷二

祖宗聖訓

太宗皇帝

卷三

祖宗聖訓

真宗皇帝



卷四

祖宗聖訓

仁宗皇帝

卷五

祖宗聖訓

仁宗皇帝

英宗皇帝

神宗皇帝

卷六

君臣知遇

文太史

王與公

杜祁公

李文靖

李漢超

蘇內翰
凡三事

陳恭公

劉昌言

郭進
凡三事

梁丞相

石元懿

戴思

邢昺

竇叅政

李文正

唐質肅

趙韓王
凡二事

王濟

寇萊公

李穆

馮元孫爽

卷七

君臣知遇

王元之 凡四事

楊礪 凡二事

种放

張文定

袁廓

呂正惠

晏元猷

杜文正

董遵誨

張乖崖 凡二事

柳仲塗

錢俶

趙禎

晁迥 凡三事

卷八

名臣事迹

韓魏公 凡九事

孫威敏

王沔

王荆公 凡三事

向文簡

呂文穆

禮遇詞臣

司馬文正

陳文惠

陶尚書

富文忠 凡五事

梅聖喻

燕王元儼

卷九

陳堯叟

李文靖 凡五事

名臣事迹

王沂公 凡四事

范魯公

范文正 凡五事

曹武毅

王参政

狄武襄

魏咸熙

薛簡肅

呂文靖 凡二事

李文澤

張乖崖 凡五事

丁文簡 凡二事

歐陽文忠 凡二事

太宗知人

卷十

不信異端

君臣事迹

大官高壽者

將相世家

大臣奢儉不同

貴門子弟

陳恭公 凡二事

文潞公 凡二事

錢思公

張文定

李文定

宗鄭公 凡二事

錢文僖

鄭毅夫

唐質肅

張文節 凡二事

楊文公
張鄧公 凡二事

劉溫叟
杜祁公 凡二事

卷十一

名臣事迹

元大叅

馮文懿 凡二事

趙參政

孫宣公

寇萊公 凡五事

丁晉公

陳康肅

張洎

崔尊度

竇尚書 凡二事

王文穆

孫資政

卷十二

名臣事迹

石守道

韓丕

曹侍中

李詢

韓忠獻

王文正 凡十三事

卷十三

德量知識

向文簡

呂文仲

李及

秦湜

呂正惠

盧億

馮起

呂許公凡二事

薛化光

薛長儒

孔宗翰

呂文穆

曹侍中

趙槩

李文靖

王德用

張齊賢

卷十四

德量知識

王文正

凡六事又一十二事在前卷

王奠公

李允則

燕龍圖

張師正

魏丕

寇萊公凡二事

王化基

王濟張稷

張乖崖

凡九事

文潞公凡二事

韓魏公

凡八事

王沂公凡二事

狄武襄

范文正

卷十五

顧問奏對

雷德驥

王貽孫

种司諫

王彥超

趙韓王 凡三事

僧贊寧

沈文通

竇儀

范文正

劉燁

蘇易簡

丁晉公

魏諫議

始平公

李侍讀

劉綜

李南陽 凡二事

唐質肅

張昭

文潞公

寇萊公

呂許公

司馬溫公 凡二事

卷十六

顧問奏對

盛文肅

孫籍

趙韓王 三事

竇偁

畢士安

李懷忠

王元之

楊蟬

趙元考

范文正 凡二事

龐莊敏

呂文靖 凡二事

司馬溫公

賈先生

夏文莊

趙禹

孫冕

范蜀公

陳晉公

王昭明

余襄 二事

李宗諤

王沂公 二事

張乖崖

薛簡肅

卷十七

忠言說論

薛師正

王文正 凡二事

錢若水

趙閱道

賈黃中

趙閱道

呂正獻

王平甫

張杲卿

王著

王嗣宗

田諫議

王安簡

程文簡

韓魏公

李南陽 凡二事

唐質肅

卷之一目終

皇朝類苑總目卷之二

卷十八

典禮音律

皇后合食太廟

藉田

郊祀

嫡孫博重服

金龍玉簡

蜡蠟

宣祖配天

僖祖廟為始祖

祀廟堂

封程嬰公孫杵臼立廟

武臣持服

婚禮坐鞍

正冬朝賀上壽

彗星見罷祀南郊

祭大社

祀太乙

九宮貴神

郊廟讀冊迴班

醮祀御室

朝獻朝饗

雲韶部

鈎容直

河市樂

拱辰管

卷十九

典禮音律

協律 凡三事

鼓 凡三事

琴 凡四事

鍾 凡三事

磬 凡二事

律呂 凡二事

卷二十

典禮音律

凱歌

霓裳羽衣

拋毬曲

歌曲

歌舞

笛

審聲 九事

乾德樂 二事

馮吉善琵琶

律中生 六事

嘉量

卷二十一

官政治績

諸鹽鑪鑄錢

和買絹

上供軍糧

納牛皮錢

內門買物支錢

預買納絹

河北市糧草用三說見外之法

蠲田畝

歲鑄錢數

茶利四事

劉晏知物之術

稅額

發運司米

漕河

穀粟均配人戶納見錢

詔藩鎮支郡直屬京師

柳三寺

榜刻儀制合四條二事

諸州斬死罪奏案

法官親節案

卷二十二

官政治績

斬獄

陳晉公

張辛崖

王明

劉煥

陶鑑

許元

侯叔猷

張丞相

張惇

邵暉

戚密學

許仲宣

陳從信

承昭

錢若水

薛簡肅

文潞公

卷二十三

官政治績

王文康

田沉

趙閱道

韓稚圭

魏侍郎

周諫諫

范文正

程文簡

張容省

王宣徽

韓忠獻

楊譚林特

張齊賢

向文簡

孔中丞

王居卿

王罕

江翱

劉彝

韓魏公

胡順之

陳堯咨

包希仁二事

王立

李南公

顧方

范諷

劉備

卷二十四

衣冠盛事

呂文靖

竇尚書

王相國

陳諫議

張文孝

宋太史

王文正

國朝立三公三師

國朝宰樞為僕射

竇氏父子

李相四美

同甲會

三學士兩開人

未五十登庸

未四十八兩府

少年掌詞翰

父子掌誥

宰相三人

學士三人

學士四人

學士五人

為相而冠貂

宰相丁憂

宰相侍立

同時學士登二府

世代尚主

不墜闕閱

子弟五人同日登科

父子狀元及第

洛陽耆英會

登科踐歷相繼

入叅父在

科第爵位皆同

美事三者併集

禮闈之盛

榜首三人皆登兩府

一榜之盛

闕閱之盛

賜錢贖第
 弟拜相兄草麻
 御書扇賜館閣學士
 玉堂之盛
 賜宴觀御書

卷二十五

官職儀制

樞密使

三司使

司理叅軍

選朝官知縣

叅知政事

進奏院

發運院

提點刑獄

糾察在京刑獄

宣徽使

中書五房

密院一司四房

三司子司

刑部主判詳覆真官

審刑院

御史臺

大理寺官

三班院

驎院

中貴帶將仕郎

禮部郎官

南郊置五使

資政殿學士大學士

瑞明殿學士凡二事

御史言事不白長官

龍圖閣官

天章閣官

三館

同三品同二品

知州判州

東西頭供奉官

賜公服

待詔佩魚

賜衣服

賜鞍轡

憲街

賜飲宰相第

真宗幸文穆呂公宅

卷二十六

官職儀制

賜毬露金帶

賜常參官冬衣

學士預曲宴承旨預肆赦

前兩府白事宰相掇案

兩制下獄

節度使罷除麻不降麻

樞密使罷除麻不降麻凡二事

三衙官

觀文殿

通州

峨眉班

賜狀元金吾衛士

兄弟封贈

賜帶

重帶

勅書接

賜金帶

職由

宰樞聚廳見

前仕班祿辨

三衙官不敢謁舍人逢之則立馬
有偶出一時而為故事者

三班喫香群牧喫糞

官班訛謬
樞密使賜衣循唐舊

禮遇講讀官
堂劄子

宣讀
宣敕

百官見宰相
籠門謝

都堂及寺觀百官會集堂次

請修時政記
宰相許午時歸第

丁晉公自節席使以制除叅政

納節不降麻

請立家廟者子孫襲三品階勳及爵

文武官朝叅
叅假橫行之禮

執宰押知印凡二事

賜笏頭帶

卷二十七

官職儀制

對別判銓
罷俸例

除節度使例

尚書以下不得鞞鞋過都堂門

諫議班

五司廳

銀臺司

步行學士

衛士

三司使班

三告官打杖子持藤杖

功臣號

按察之職

帶侍讀學士出外

三司局官無直館

罷二府大禮進宮

加食邑

封贈

掌選官限內不朝

使相節使不領京師官司

罷相約職

帶禁職出外任

二府相整

未有磨勘轉官

不隔磨勘遷官

太常卿秘書監

建陰班簿

吏祿

食邑滿萬戶封國公 凡二事

宰相自草奏擬狀

宰相奏擬狀

宰相上殿命坐賜茶

提舉官觀

樞密付使同知並置

文臣為樞密皆帶檢校官

相賀

三司叔使公事為兩寺

回例賜帶加服色

卷之二目錄終

皇朝類苑目錄卷之三

卷二十八

官職儀制

武臣賜笏頭

對賜

郊禮召耆德侍祠 二府拜息詣景靈宮謝

都省議事儀式 南郊執伏兵士

中書察院執政官非假日不得私第見客

太宗令文武臣入見謝畢乃詣正衙

樞密院別撰時政記

譯經文潤使

太常寺官

宰相帶館職

文臣自使相除樞相罷節還舊官

文臣為使相節度使

文臣為武

王冀公為大資政請鑄印不許

大尉在三師之下 不歷郎為大諫

遷郎官

宣徽使位樞使密下

駕親臨問臣寮

西府戚回避 凡二事

定合班儀

軍巡馬步院用文吏

一品致仕官綴珪

賜百官冬服

具官

罷代判官

臺省寺官以三周轉官

當參官朝官

登聞檢院

選入赴調求職官

詔勅藏勅書樓

群臣入閣

卷二十九

詞翰書籍

制詞異名

白麻

西掖直紫薇

谷北戎書

知制誥書事閭長獸角

學士繫鞋

學士俸簿

進退宰相議論皆出學士

知制誥先試復用 索潤筆

學士未衣隻引 學士入札不著名

三館 賜帶不佩魚

約學士骸 咨報

學士日益自卑 翰林院故事 凡二事

學士躡履見丞相 槐廳

學士上日用樂 罷潤筆

直院 制書不可稱德音

學士職任事体与外司不同

學士班次 學士罷晚朝

直學士院 韓丕不長應用出院

學士之職親切重貴

太祖命李昉 禔直例 凡三事

試館閣知館閣等 冊皇太子

學士新入院

卷三十

詞翰書籍

學士院

學士從行幸

學士預丹鳳棲放赦

小宴學士預坐

學士草麻

學士草次第

舍人賜書預宴

詞臣神仙之職

禁中墨妙

賜學士加等

學士和詩草制

學士拜命

玉堂坐次

進制書小字本

學士中謝

進草

太宗賜趙昌國及第

開封解以縣概為第一

太宗親試進士以孫何為第一

舉子重戴凡二事

御熱試卷於真宗影殿前

收李迪黜賈邊貢院設位供帳

御試許詳定官別立等

狀元給駟從試進士泐草

舉人謁先師春秋放榜

降聖節齋宴江南書籍

卷三十一

詞翰書籍

藏書之府凡二十九事

館職稱學士

置編修局

雌黃金字

卷三十二

典故沿革

封孔子後

孔子太公周公加謚

非宗室女封郡縣主

皇子兼師傅

異姓兼中書令

烏帽

賣香印鳴鑼

錢文

改羊號凡二事

家祭用臺棹

官誥綾紙

後堂案檢

中國衣冠用胡服

三省樞密院用塗黃

京城用青京織

皇后太后印

官誥之制

上元燃燈

賜新火

金明池

公家文書稿異名

乾德鑄印

品家表許繫鐘

賜謚

凱旋奏樂不避忌辰

禁焚屍

贈官請謚

卷三十三

典故沿革

皇后謚

臣僚卒輟朝 凡二事

国忌行香

投金龍玉簡

給金寶牌

應天院建聖象殿

罷睦親神御殿

降青詞

勅箭勅契 凡二事

街鼓

禁衛五重

駕頭扇篋

喚伏入閣

洞案

接伴虜使

交州進奉授官

北朝官

外國書

仙源積慶圖

置宗政及教授寺官

宗子授南班官

諸王公主制中称呼

燕王贈天策上將軍

併省州縣

親王公主封國

歷代用曆

卷三十四

詩賦歌咏

范杲

楊侍講

王元之 五事

楊文公 五事

夏文莊 五事

陳文惠

蘇東坡 五事

王溪生

張在

石昌言

趙師民

卷三十五

詩賦歌咏

林和靖 二事

梅聖俞 六事

晏元猷 三事

李文質

范文正 五事

僧惠崇

石曼卿

歐陽文忠公 三事

蘓子美 三事

丁晉公

范補之 二事

張宗未

呂文穆

王平甫 三事

鍾離權

馮太博

王荊公 六事

蔡子正 三事

卷三十六

張鄧公 二事

李師中 二事

馮瀛玉

邵樞密

潘道遥

韓魏公

龔穎

杜沂公

劉昌言

王章憲

曹武毅

蘓為

卷三十七

詩賦歌咏

劉沆

張師錫

寇萊公

陳恭公

宋子京

胡

魏野

朱台符

錢熙

汪處士

徐鉉

黃孝先

賈公餗

王君玉

李邕

張文定

王化基

王嗣宗

張垂崖

聲隅子

王沂公

僧有明

花蓋夫人

楊玠

陳烈先生

孫瑾

王禹玉

卷三十八

詩賦歌咏

真宗親選兩制館閣送劉總詩

于越亭

雍熙以來文士詩

錢惟遠劉筠句

近世釋子詩

唱和聯句

李白

祖山石壁詩

杜工部

九僧詩

周朴

評蘓二家

卷三十九

詩賦歌咏

王建宮詞

錢文僖鄭工部題咏

韓吏部

白雪樓

華清宮

酒帘

相思河

賡張文定詩

淮陰廟

歌風臺

朝元閣

歌曲艷麗

詩人使酒樓語

贈孫可久

肯堂集

程文七事

文城縣君

傳詩訛謬

吏人詩

老兒詩

呂公贈李公詩

草陳恭麻

評詩

鶴省樓詩

改王公詩

卷四十

詩賦歌咏

沈存中論文五事 淵明詩

香奩集

大言賦

漁家傲

目詩起獄

鳳栖梧詞

大小孤山

登吹臺詩

王彥威

禪禮五事

詩有變態淵明詩

王蘓更相是非

王蘓更相稱譽

目前之景吟不到

前輩務求博約

大白傳神

集句

乞食歌姬院

韓文公輩女詩

堆塚死屍

文章傳襲

用字音

用字意

西郊詩

三諫官詩

制科無登第三第者

詩句作圈

西山詩

使虜

奏獻浼瀆

章樞密善養生

卷之三目終

皇朝類苑目錄卷之四

卷四十一

文章四六

盧多遜

范文正公

胡式平

林逋

宗浚

丁晉公二事

陶穀

吳處厚二事

楊文公四事

王元之

終慎思

夏英公二事

凌叔華

潘佑

趙鄰幾

徐諧

卷四十二

一文章四六

錢昭叙

湯悅

王狀元

錢若水

劉公父

錢熙

陳黑道

取錢惟寅詞

郡燕樂詞

章懿太后神道碑

文老不衰

獎詞臣

賜恩澤出身章服

高麗使先狀

音韻二事

歐陽文忠公

卷四十三

曠達隱逸

真宗召隱士

陳希夷五

江真水

刘孝奴

王昭素

魏野二

田叟君

麻先生

李昭君

史延壽

聳隅子

五老會

江鄰幾

司馬溫公

劉孟節

李漬處士

孫宣公

張垂涯

卷四十四

曠達隱逸

孫明復

李集賢

王昭素

郭延卿

王樵

孫集賢

麻希夢

蘓澄隱

朱侍郎

王元澤

馮樞密

王荆公

楊文公

杜五郎

石曼卿三

邢惇

卷四十五

仙釋僧道

申國長公主入道二

呂先生三

劉遁

韓丕荐三處士

張宗晦

种放六

張垂涯

張俞

養素先生

華陰隱人

峨嵋山佛現

契嵩師

羅真人

佛經

吳長犬

建寺

雲豁入定

方士謁鍾弱翁

日本僧

許旌陽家田夫

曇穎幾辨

無名高僧

胡僧法

喻浩造塔

死後出家

西城僧覺稱

王中正

王參政

郭忠恕

朱燃寺僧

卷四十六

仙釋僧道

趙自然

佛牙

金剛題誌

廬山錢文

賀蘭捷真

光梵大師

謝仙火

黃覺

神仙二事

吳僧文捷

雁蕩山老人

趙抱一

禮法師

趙山人

行火真君

許昌齡

僧無夢

正覺禪師

風和尚

卷四十七

休夢祥兆

苗訓

畢文簡

朱正基

王慶之

錢惟治

陳洪進

韓魏公

趙古長

賈直禰

蔡子直

王元規

張茂直

王克臣

陸經

李景初

墨殺將軍

張乖崖

僧惠罔

周克明

翠彥輔

張乖崖

張密學

王處訥

危序

夏文莊

張客省

馮侍禁

丁晉公

任玠

楊文公

呂文靖

曾魯公

卷四十八

休祥夢兆

原魯公

歐陽文忠公

劉相國

辛文悅

謝濤

楊礪

趙閱道

艾侍郎

王文穆公

李文定公

元厚之

凌侍郎

懿德皇后

盧秉

邊鎬

胡旦

富鄭公

鍾輻

石曼卿

後山居士

夢中賦詩

呂端公

王素

韓魏公

江子之

詩識十二

卷四十九

休祥夢兆

夢遊亢宮

昇元寺石記

天水碧

銅牌記

秦淮石誌

金陵石記

永稼山顏

名亭

駕幸東府

東岳奉冊之異

邃清殿學士

軌草二

夢名三

角聲

占星

牡丹千茶

收恩州

蛇精

彭蠡湖神

木中有文

電作人面形

五來子

崇文院詩

馬相踈

酒病

蜀中桃符

唱第曰五色

駕幸汾陰

卷五十

占相醫藥

陳希夷三

異僧

王冀公

夏侯嘉正

僧化威

費孝先二

章邠公

陳恭公

馬尚書

吳處厚

楊文公

張堯封

張永德

丁晉公

僧奉真

閩主延正

陳昭遇

吳越王錢鏐

大宗校醫人

王維忠

史炤母張氏

寇忠愍

許希善

竇仁惠二

卷五十一

占相醫藥

貴人識貴人

狀元多同歲

擇婿

揀妻

羊命同六

寇萊公似盧多遜

卜者一日閱宰相

官不可妄得

栢維邕

艾為之一壯

公曹圍基

鬚髮眉所主

鷄一

羊卜

服石

服芎藭暴死

苦參損腰

長松治大風

丹砂

進大類草方表

療齒

卷五十二

書畫伎藝

太祖賜翰林院書画二

秘閣藏書 置御書院

秘閣畫 太宗摹品第一

揆鍾法 墨

草書 僧善畫

張維 緡雲緼匠

王舍城寺壁 秘府書画

畫三朝聖迹 僧繇画壁

近昔名画 玉堂壁畫

君謨潤筆 王捷煉金

雪中芭蕉 黃梅出山圖

按樂圖 沈括論畫

卷之四目終

皇朝藝苑目録

皇朝類苑目錄卷之五

卷五十三

書畫伎藝

字說

畫佛圓光

沈括論書

寺壁畫

畫廳

書字肥瘦

茶子格

韓偓墨跡

晉宋人墨跡

樂毅論

散州隸

辨画扇

蜀人善畫者

投壺格

霜花紙

李無惑

董羽

李成

歐陽文忠公

卷五十四

書陳畫伎藝

陳文惠

吳正肅

宋迪

王沂公書畫

僧擇仁

朱文濟

翟院深

孔仁謀

喻浩

高益之

徐鉉

徐熙黃筌

陳康肅

臧融

板印書籍

綴術

曆術

圖碁二

卷五十五

忠孝節義

范文正二

鄭工部

覆射

造弓

造金

算術

蹴鞠二

彈琴二

歐陽文忠公

陳喬

馬遂

劉潛

支漸

鍾離君

趙廷嗣

姚栖雲

張誠

衛融

史吉

劉温叟

趙師旦曹覲

徐積

朱壽昌

魯簡肅

于令儀

莫即婦

曹修古女

崔翰

任福

卷五十六

忠孝節義

柳仲塗

馮仲信

相州部民張某

刘温叟

富大監王即中

王達

將帥才畧

曹武惠

死婦阿毛

田元均

龔穎

劉輝

潘益謝福

劉煥

辛仲甫

折御卿

李士衡

王顯

卷五十七

將帥才畧

田仲進

曹式毅

曹瑋

許驤

武德行

郭進

楊無敵

張文定

王隱

張維能

龐莊敏

狄式襄

三

卷五十八

將相才略

秦再雄

馬太尉

雷宣徽

楊信

李繼隆

范文正

李繼倫

張鑑

呼延贊

曹太尉

崔翰

侍其淵

劉吉

王德用

王式功

魏能

楊延郎

楊延郎

楊延郎

楊延郎

楊延郎

楊延郎

楊延郎

王觀文

李重貴

郭尊

种世衡

任福

王吉二

鄭工部

卷五十九

知人薦舉

呂申公

陳恭公

高保寅

南宮成

盧士倫

孫宣公

王沂公

王化基

朱翰林

謝諫議

卷六十

翟守素

王漢忠

文潞公

王罕

范雍

趙延進

喃斯囉

章郇公

姜遵素

胥內翰

孫叅政

和凝

張乖崖二事

呂許公

李文靖

王章憲

王文正四

廣知博識

論地動儀

論取火

論正朔

論太平

蛇雉遺卵千年而為蛟龍

見龍

氏族

記里鼓

銅渾

魚尾鴟吻

磁石指南相指西

金鷄故赦

延州五城

石油墨

蓋南風

跳兔

螻

白雁謂之霜信

淤田

太睦

淮泗不入江

雁蕩山

毛羅島

入貢撒殿

畫鍾馗于門

省古茶芽

焦核荔枝

子方虫

養鷹鷗法謂之味漱

芋梗治蜂螫

油煎蛤蜊

鳥脚溪

卷六十一

廣知博識

北岳

海子園

雨盤治鹽井

瀑梁

字學四

百藥枕

溫紙化為茵

疥有五德

皂莢敗鉄

菜縣石刻

熊館

慎水木

未厥

何接

音韻之學三

瓚

老杜詩三

邵謁詩

僧贊寧二

熊萬卷

錢昱

杜文正

楊文舉

陶尚書

竇仁惠二

胡秘監

韓傳

王貽孫

刘吉

卷六十二

風俗雜誌

辰砂

腎美

華清宮二

白石碑

虎畏素駝

石魚

沸沙

石燕

蟻鮓

杭人好飾門

木饅頭

嶺南人相呼

閩人稱呼

西域山水

洛陽貢花

硯四

墨

鰐魚

法相院矮檜

慈航院

瓊花二

茶二

取碑碣為搭材

威州

陽朔石峰

南海啖檳榔

西溪寺石

烏魚骨毒牡丹

陳大丘碑

古銅魚符

日本扇

濟南陵古鑑

羽陽古瓦

椰子木

卷六十三

風俗雜誌

犀

酒令二

採珠二

鴿寄書

俗謂州郡事簡者為道院

仕宦頌南

舉子投贊二

泉水二

羊蘿蔔

小蜜李

蓬莪朮

魚

菩薩石

鳳凰

鳩鳥

物性相感

沉香木二

麝裂臍賊犖牛斷尾

蠅夏為鶉

狸猩

鷓鴣捕魚

病癩

土厚水深

白鹿洞藏書

建州多佛刹

卷之五目終

皇朝類苑卷之一

祖宗聖訓

太祖

太祖性至仁雖用兵亦戒殺戮親征太原道經潞州
 麻衣和尚院躬禱於佛前曰此止以吊伐為意誓
 不殺一人開寶中遣將平金陵親召曹彬潘美戒
 之曰城陷之日慎勿殺戮設若困閉則李煜一門
 不可加害故彬於江南得王師吊伐之躰由聖
 訓丁寧也

初梁太祖自宣武府第修之為建昌宮晉改命曰太



寧宮周世宗復加營繕猶未盡如王者之制 太祖始命改營之一如洛陽之制既成 太祖坐正殿令洞開諸門直望之謂左右曰此如我心少有邪曲人皆見之

錢俶入朝 太祖眷禮甚厚然自宰相以下皆乞留俶而取其地 太祖不從賜還本國復宴餞于便殿屢勸以巨觥陛辭之日俶感泣再三 太祖命於殿內取一黃袱封識甚密以賜俶且戒以塗中密觀洎即塗啟之凡數十軸皆群臣所上章疏俶自是益感懼江南平遂乞納土

秦亭之西地夕陽鎮產巨材森鬱綿亘不知其極止

利于戎建隆初國朝方議營造尚書高防知秦州郡地數百里築堡扼其要募兵千餘人為採造務與戎約曰渭之北戎有之渭之南秦有之果獲材數萬本為椽蔽渭而上後蕃部率帳族絕渭奪筏殺防兵出師與戎戰戎兵剪戮甚衆生擒數十人繫俘于獄以聞 太祖憫之曰奪其地之產得無爭乎仍速邊州之擾不若罷之下詔厚抚其酋所繫之戎各以袍帶優賜之遣還其部諸戎泣謝後上表願獻美材五十里於朝

並凍水
紀聞

太祖常與趙中令普議事有所不合太祖曰安得宰相如桑維翰者與之謀乎普對曰使維翰在陛下亦不用蓋維翰愛錢太祖曰苟用其長亦當護其短措大眼孔小賜與十萬貫則塞破屋子矣

錢俶進寶犀帶太祖顧謂曰朕有三條帶與此蓋

不同俶請宣示一觀太祖笑曰汴河一條惠民

河一條五丈河一條俶大愧服

王全斌伐蜀之歲是時大寒太祖着帽絮被裘紉

講武殿毡帳曰此中寒尚不能禦况伐蜀將士乎

即脫所服裘帽遣將持賜全斌其伐江南也曹彬

李漢瓊田欽作入辭以匣劍授彬曰副將而下不

用命斬之漢瓊等皆股慄畏懾此所以見御將之

恩威皆出於一

太祖皇帝將展外城幸朱雀門親自規畫獨趙韓王

普從幸上指門額問普曰何不祇書朱雀門須着

之字安用普對曰語助太祖笑曰之乎者也助

得何事

太祖服用儉素退朝常衣絕袴麻鞋寢殿門懸青布

緣簾殿中設青布幔並揚文公談苑

太祖少親戎事性好藝文即位未幾召山人郭無為於崇政殿講書至今講官所領階銜猶曰崇政殿說書云傳商公佳話

錢俶初入朝既而賜歸國群臣多請留俶而使之獻

地太祖曰我方征江南俾俶歸治兵以攻其後

則我之兵力可減半江南若下俶敢不歸乎既而

皆如所處東坡筆錄

太祖聞國子監集諸生講書喜遣使賜之酒菓曰今

之武臣亦當使其讀經書欲其知為治之道也凍水

聞紀

太祖皇帝以神武定天下儒學之士初未甚進用及

卜郊肆類倫法駕乘大輅翰林學士盧多遜揖太

僕寺卿升輅執綬且倫顧問上曰嘆儀物之盛

詢致理之要多遜占對詳敏動皆稱旨他日上

謂左右曰宰相須用儒者盧後大用蓋肇於此正文

公筆錄

太祖討平諸國收其府藏貯之別庫曰封樁庫每歲

國用之餘皆入焉嘗語近臣曰石晉割幽燕諸郡

以歸契丹朕憫八州之民久陷夷虜俟所蓄滿五

百萬緡遣使以贖諸郡如不我從則散府財募戰

士以圖攻取後改曰左藏庫今為內藏庫歸田錄

故魏國長公主在太祖朝嘗衣貼繡鋪翠襦入宮

中太祖見之謂主曰汝當以此與我自今勿復

為此飾主笑曰此所用翠羽幾何太祖曰不然

主家服此宮闈戚里皆相效京城翠羽價高小民

規利展轉販易傷生寢廣寔汝之由汝生長富貴

當念惜福豈可造此惡業之端主慚謝主曰侍坐

與孝章皇后同言曰官家作天子日久豈不能用

黃金裝肩輿乘以出入太祖笑曰我以四海之

富宮殿悉以金銀為飾立亦可辨但念我為天下

守財耳豈可妄用古稱以一人治天下不以天下

奉一人苟以自奉養為意使天下之人何仰哉當

勿復言

太祖平蜀得孟昶七寶裝溺器擲之於地令斫碎之

曰汝以何器貯食似此不止何待並文公

太祖豁達既得天下趙普屢以微時所不足者言之

欲潛加害太祖曰不可若塵埃中教識天子寧

相則人皆物色之矣自後普不復敢言丁晉公

太祖嘗謂左右曰朕每因宴會乘懽至醉經宿未嘗

不悔也

太祖初即位頗好畋獵嘗田獵墜馬怒自挾佩刀刺馬殺之既而嘆曰我耽於逸樂乘危走險自取顛越馬何罪焉自是遂不復獵

太祖嘗罷朝坐便殿不樂久之內侍王繼恩請其故上曰汝謂天子為容易耶早來吾乘快指揮一事而誤故不樂也

太祖採聰明遠每遇邊關之事纖必知有間者自蜀還上問曰劍外有何事間者曰但聞成都滿城誦朱仙長苦熱詩曰煩暑鬱蒸何處避涼風清冷幾時來上曰此蜀民思我之來伐也時雖已下

荆楚孟昶有唇亡齒寒之惧乾德三年昶遣謀者孫遇賫蠟丸帛書間道往太原結劉筠為援為朝廷所獲太祖喜曰興師有名矣執間者命王全斌率禁旅三萬入路討之俾孫遇指畫山川曲折閣道遠近令工圖之而授神策令王全斌往焉曰所克城寨止藉器甲芻糧耳若財帛盡分給戰士王師至蜀昶遣王昭遠帥師來拒未幾相繼就擒昶始降執昶赴闕大將王仁贍自劍南獨先歸闕乞見恐先彰已惡歷教全斌等將貪黷貨財縱弛兵律俱為所訴反欲自蔽太祖笑謂仁贍曰納李

廷妓擅開豐德庫取金寶此又誰耶惶怖叩伏待
罪上又曰此行清介畏懼止有曹彬一人耳臺臣
請深治蜀諸將橫越之惡太祖盡釋之並涑水紀聞

太祖即位後遣王全斌劉光義為先鋒曹彬為都監

沈義倫為行營判官收復西蜀無何全斌殺降三

千人是時曹不從但收其文案不署字王曹沈等

回太祖傳宣送中書取勘左右曰方克復西蜀

回雖殺降兵亦不可便案劾今後陛下如何用人

太祖曰不然河東江南皆未歸服若不勘劾恐

今委任者轉亂殺人又曰曹彬但退不干你事曹

不退但叩頭伏罪曰是臣同商議殺戮降兵朝廷

問罪臣首合誅戮太祖見曹如此皆與原之王

授金州節度餘皆進擢之忽一日宣曹并潘美曰

命汝收江南又顧曹曰更不得似往時西川亂殺

人曹徐奏曰臣若不奏又恐陛下未知曩日西

川元不是臣殺降卒緣臣商量固執不下臣見收

得當日文案元不肖署字太祖令取進呈覽之

又謂曰卿既商量不下何為對朕堅自伏罪曰臣

與王全斌等同奉陛下委任若王全斌等獲罪臣

獨清雪不為穩便臣是以一向伏罪太祖曰卿

既欲當辜如此又安用留此文字曰臣初謂
下必行誅戮臣留此文書令老母進呈乞全老母
一身太祖尤器遇之又潛謂曰但只要他歸服
慎勿殺人是他無罪只是自家着他不得卿切會
取曹曰謹奉詔旨不敢違越今國家享無疆之休
良由是耳曹之四子璨璋琮珣皆享厚祿豈非餘
慶乎

丁晉公談錄

宋白言開元九年雩祀西洛陰雨踰月齋宿之旦尚
未霽太祖遣中使禱無畏三藏塔与之誓言倘
即不止毀其浮圖又俾近臣賁勅与岳神齋宿日

元龜寶

雨不止當施桎梏於汝至太極殿宿齋辰巳間雨
霽洛陽令督役夫除道上泥布乾土及郊祀還雨
復作無畏胡僧唐開元中至長安玄宗甚礼重之
每祈雨輒應事具李德裕次柳氏舊聞及李華碑

揚文公談苑

太祖既納趙韓王之謀教遣使者久詣諸道擇選精
兵凡才力技藝有過人者皆收補禁軍聚之京師
以備宿衛厚其糧賜居常躬自按閱訓練皆一以
當百諸鎮皆自知兵力精銳非京師之敵莫敢有
異心者由我太祖能強幹弱枝致治未乱故也

太祖征河東圍太原久之不拔宿衛之士皆自奮告曰曩尔城而久不拔者士不致力故也臣等請自往力攻必取之上曰吾蒐簡訓練汝曹心盡力竭矣汝曹天下精兵之髓而吾之股肱爪牙也吾寧不得太原豈可糜滅汝曹於此城之下哉遂引兵而還軍士聞之無不感激出涕者

太祖征李筠河東遣其宰相衛融將兵助筠融兵散敗生獲之上面責其助亂曰朕今赦汝能為我用乎對曰臣家四十口皆受劉氏溫衣飽食何忍負之陛下雖不殺臣終不為陛下用

得間則走河東耳上怒命以鉄鎚搗其首曳出融曰人誰不死得死君事臣之福也上曰忠臣也召之于御座前傳以良藥賜衣帶及鞍勒拜太府卿王師江平南徐鉉從李煜入朝太祖讓

之以其不早勸李煜降也鉉曰臣在江南備位大臣亡國不能止罪當死尚何所言上悅撫之曰卿誠忠臣事我當如事李氏也並涑水紀聞

開寶中趙普猶秉政江南後主以銀五萬兩遺普白太祖太祖曰此不可不受但以書荅謝少賂其來使可也普叩頭辭讓上曰大國之賂不可自

為寢弱當使之勿測既而後主遣其弟從善入貢常賜外密賫白金如遺普之教江南君臣始震駭服上之偉度

楊文公談苑

太祖明聖慈惠歷代創業之主不可比也初陳橋為三軍擁迫而回不得已而徇眾懼乃先與三軍約曰汝等入城不得驚動府棗不得殺害人民不得取奪財物能從我令則不違汝推戴於是三軍曰不敢違命

丁晉公談錄

太祖將親征軍校有獻手搨者上問曰此何以異于常搨而獻之軍校密言曰陛下試引搨首視之

搨首即劍柄也有刀韜其中平屋可以為杖緩急以備不虞上笈投之于地曰使我親用此物事將何如當是時此物果足恃乎

太祖親征澤潞中書舍人趙達憚涉山險稱墜馬傷足止于澤州及師還當草制復稱疾上怒宰相論達人臣乃敢如此遂貶房州司戶

涑水紀聞

太祖皇帝得天下破上党取李筠維揚誅重進皆一舉蕩滅知兵力可用僭偽可平矣嘗語太宗曰中國自五代以來兵結禍連帑廩虛竭必先取西川次及荆廣江南則國用富饒矣今之初敵正在契

丹自開運以來益輕中國河東正扼兩蕃若遽取河東便與兩蕃接境莫若且存繼元為我屏翰侯我完寔取之未晚故太祖末年始征河東太宗即位即一舉平晉也

周廣者開寶中為內外馬步軍都頭親信好言外事一日白太祖曰朝廷遣使吳越錢俶南面坐傍設使者位俶雖貴極人臣民無二上而奉命者不正其名此大辱國太祖曰汝頗能折之否廣曰臣請行上即日遣廣為使俶猶習故態廣曰比有事主不敢就席俶遂移床西向正賓主之禮復命

廣氣甚驕將希寵賞太祖曰汝蓋倚朝廷威勢不然者俶何有于汝哉廣大慚其御下之英畧如此

劉錡性絕巧自結真珠鞍勒為龍戲之狀獻太祖太祖以示上方工皆駭服償以錢三百索上謂左右曰移此心勤民政不亦善乎錡在閩中多置醜以毒臣下太祖幸講武池從官未集錡先至詔賜卮酒錡心疑之捧杯泣曰臣承祖父基業違拒朝廷致煩王師致討罪在不赦陛下既待臣以不死願為大梁布衣覩太平之盛未敢飲此酒

太祖笑曰朕推赤心于人腹中安有此事即取銀酒自飲別酌以賜張之慚謝

太祖善御豪傑得人死力居常多幸講武池臨流觀習水戰自謂左右曰人皆言亡身為國然皆人之所難言之易耳時禁衛將帥軍廂皆侍側有天廂李進卿前對曰如臣者令死即死耳遂躍入池中上急令水工數十人救之得免幾于委頓上左右內侍數十人皆善武藝伉儷人敵數夫騎上下山如飛其懈抚養育無所不至然未嘗假其威權也太祖平蜀擇其親兵驍勇者百餘人補內殿直別立

班院號川殿直南郊賞給凡本班減五千遂相率擊登聞鼓訴其事上大怒曰朝廷給賜自我而出安有例訖盡捕違狀者四十人斬于市餘悉配隸下軍遂廢其班

太祖時李漢超鎮閩南馬仁瑀守瀛州韓令神常山賀維忠易州何繼瑫棣州郭進西山武守琪晉陽李謹溥隄州李繼勳昭義趙贊延州姚內斌慶州董遵誨環州王彥昇原州馮繼元靈武蒐權之利悉以與之其貨易則免其征稅故邊臣皆富于財以養死士以募謀者夷人情狀山川道路罔不備

見而周知之故十餘年無東西之憂東齋記事

太祖將改年號謂宰相曰須古來未嘗有者宰相以

乾德為請三年平蜀宮人有入掖庭者太祖曰

閱奩其得鑑背字云乾德四年鑄大驚曰安得四

年鑄此鑑以出示宰相皆不能對乃召學士陶穀

竇儀問之儀曰蜀中主曾有此號鑑必蜀中得

太祖大喜曰宰相必用讀書人自是大重儒重矣

太祖躬履儉約多所減損常服澣濯之衣乘輿服用

皆尚質素寢殿以青布緣幃簾宮中闌幕無文彩

之飾常出麻履布裳賜左右曰我舊所服者也出聖

政錄

太祖初臨御欲知外事有史珪者常為隊長掌衛殿

廉事入白頗得寔後有德州刺史郭貴知荊州貴

之親吏在德州為奸知州國子丞梁夢昇以法繩

之貴素与珪善以事告珪罔去夢昇珪記于紙伺

便言之一日探懷中所記進曰德州梁夢昇欺蔑

刺史郭貴幾至死上曰此必貴所為不法夢昇真

清強吏取記紙召黃門傳中旨以夢昇為贊善大

夫既行又曰与左贊善珪慙快而退俄坐漏禁中

語黜官

太祖時趙普為相車駕因出忽幸其第時兩浙錢王
 俶方遣使致書及海物十瓶普方置在廡下會車
 駕倉卒迎不及屏也 上顧見問何物普以寔對
 上曰此海物必佳即令啟之皆滿貯瓜子金普惶
 恐頓首謝曰臣未發書寔不知若知之當奏聞而
 却之 上笑曰但受之無妨彼謂國家事皆由汝
 書生耳 寔事

開寶中教坊使衛某老年當補外授後唐事故求領
 小郡 太祖曰伶人為刺史豈治朝事尚可法耶
 第令于本部中迂叙乃以為太常太樂令 滄水燕談

自唐天寶後歷肅代藩鎮遂不復制以及五代之亂
 太祖即位罷藩鎮權擇文臣使治州郡至今百餘
 年生民受賜每一詔下雖擁重兵臨大衆莫不即
 時聽命

太祖既好讀書常曰堯舜四凶之罪止從投竄何近
 代法網之密哉盖有意措刑矣 寔事

卷之一終

皇朝通志卷一

皇朝類苑卷之二

祖宗聖訓

太宗

太宗嘗謂皇屬曰朕即位以來十三年矣朕守儉素
外絕遊觀之樂內却声色之娛真寔之言固無虛
飭尔等生於富貴長自深宮民庶艱難人之善惡
是必未曉畧說其躰豈盡余懷夫帝子親王先須
克已勵精聽言納誨每着一衣則憫蚕婦每食一
食則念耕夫至于聽斷之間勿先恣其喜怒朕每
親臨庶政豈敢憚于焦勞禮接羣臣無非求于啟

沃爾苛勿鄙人短勿恃已長乃可永久富貴以保
終吉先賢有言曰逆我者是我師順我者是我賊
不可不察也

淳化三年 太宗謂宰相曰治國之道在乎寬猛得
中寬則政令不成猛則民無所措手足有天下者
可不慎之哉呂蒙正曰老子稱治大國若烹小鮮
夫魚擾之則亂近日內外皆來上對求更制度者
甚衆望陛下漸行清淨之化 上曰朕不欲塞人
言路至若愚夫之言賢者擇之亦古典也趙昌言
曰今朝廷無事邊境寧謐正當力行好事之時

上喜曰朕終日與卿等論此事何愁天下不治苟
天下親民之官皆如此留心則刑清訟息矣

太平興國九年 太宗謂宰相曰朕每日視事既罷
即便觀書深夜就寢五鼓而起盛夏晝日亦未嘗
寢乃至飲食亦不過度行之已久甚覺得力凡人
食飽無不昏濁倘四肢無所運用便就枕血脉凝
滯諸病自生欲求清爽其可得乎老子曰我命在
我不在于天全係人之調適卿等亦當留意無自
輕于攝養也

上嘗御便殿錄京城繫囚至日昃近臣或以勞苦過

甚上曰不然倘息及無辜使獄訟平反不致枉撓
朕意深以為遠何勞之有曰謂宰相曰國家設官
分戩本為治人如受任外郡悉能盡公決斷為有
不治之事古人宰一邑治一郡致飛蝗避境虎度
鳳集臣下為政尚能致茲感應若帝王用意惠民
申理寬滯豈不感召和氣朕孜孜求治今得天下
安泰亦其效也宗琪曰天下治亂係在一人 陛
下臨御十年勤勞致治陰陽和順四海寧謐每日
殿前所談止在刑政退朝惟觀古史究歷代興亡
善惡之事以準古今成憲上資聖神中外幸甚

上謂侍臣曰律法之書甚資政理人臣若不知法舉
動是過苟能讀之益人知識比來法寺斷案多不
識治體侍臣曰今天下所上案牘獄情已定不可
改也當精擇知州通判若州縣得良吏一二其下
必無冤人 上然之

靈州河外寨主李瓊以城降賊有司將坐其家屬

上曰窮邊孤壘又無援兵緣坐之法朕不惡行也
二年北虜寇邊：將言文安大成二縣監軍棄城
遁走請以軍法論上遣軍使誅之既行謂之曰此
奏尚有疑得無所部召之邪當詳而後決使至部

按之乾寧軍令部送民入城非擅離所部遽釋之上之明察如此

上嘗謂宰相曰朕於黎明孜孜訪問務欲令其得所感悅人情亦不難致且虎狼之性最是難禦然而能畜虎者以時飼之使知養育之意伏牙藏爪而况於人乎曰思君臣之間要在上下情通即事無凝治若稍間隔豈能盡致理之道古人有言君視臣如手足則臣視君如腹心君視臣如草芥則臣視君如寇讐此言甚有理致宗琪曰易卦乾在上坤在下謂之否此天氣不下降地氣不上騰之謂

也坤在上乾在下謂之泰此天地交泰之象也則知君臣之道必在情通乃能成天下之務上悅下聞汴水輦運卒有私貿易者謂侍臣曰篙工師苟有少取鬻但無妨公不必究問冀官物之大無至損折可矣呂蒙正曰水至清則無魚人至察則無徒小人情偽在君子豈不知之若以大度兼容則萬事兼濟曹參不擾獄市者以其兼受善惡窮之則奸慝無所容故慎勿擾也聖言所及正合黃老之道並事

至道二年夏大旱遣中使分詣五岳祈雨學士草祝

上自書名隨設香再拜而遣之王禹偁時在翰林
上言五岳視三公從前祝版御署已踰禮典固無
君上親書之理上署之紀尾云昔成湯剪爪斷髮
禱桑林之社尚無爰矧為百姓請命豈於筆札而
有所惜哉

內侍王繼恩平李順之亂中書議以為宣徽使太
宗曰宣徽者執政之階也朕覽前籍多矣皆不欲
宦者預政可授以他職宰相嚮言繼恩有大功合
任昭宣使河州團練使非此拜不足以為賞上
不悅因召翰林學士張洎錢若水議置宣政之名

班在昭宣使之上以授之加領順州防禦使

登州海岸林中常有鷹自高處一夕飛渡海岸未明

至者絕後號曰海東青淳化中夏帥趙保忠得獻
上上嘆曰朕久罷畋游盡放鷹犬無所盡事此今
即以賜卿當領之也

貞觀三年以宰相監修史館修撰直館之員自開元
五年置麗正書院於集仙殿十三年改為集賢殿
以麗正書院為集賢書院有學士侍講學士之名
後置大學士以宰相領之并有脩撰校理直院之
職貞元中置增校書正字梁氏都汴貞明中以今

古長慶門東北小屋十數間為三館湫溢卑庫周
 廬微道在傍衛士駟卒喧襍 太宗即位日臨幸
 周覽曰若此之陋何以待天下賢俊耶即日詔有
 司度左昇龍門東北車府地為三館棟宇宏大大自
 舉役車駕再臨視勞賜工卒又令作園圃植卉木
 引金水河以注為西序啟便門通乾元殿以行幸
 三年春新館成賜名崇文院悉迂西館書公布兩
 廊為集賢書庫初平蜀得一萬三千卷平江左得
 三萬卷參以舊書為八萬卷凡六庫皆用雕木架
 青綾帕幕之昭文館集賢殿大學士監修國史常

以宰相兼領此外有史館脩撰直史館集賢院直
 學士校理之名淳化中復置昭文館直集賢院亦
 有修國史崇文院檢討編脩祗候皆無定員不常
 置

太宗詔諸儒編故事一千卷曰太平總類文章一千
 卷曰文苑英華小說五百卷曰太平廣記醫方一
 卷曰神醫普救總類成帝日覽三卷一年而讀週
 名曰太平御覽

太平興國八年日本國僧奝然至言其國傳襲六十
 四立矣文武寮吏皆是立官 上顧宰臣奇曰此

蠻夷耳而嗣世長久臣下亦世官頗有古道中國
自唐季海內分裂五代世教尤促大臣子孫鮮能
繼述祖父基業朕雖德不及往聖然而孜孜求治
未嘗敢自暇逸深以畋遊声色為戒所冀上穹降
鑒亦為子孫長久計使皇家運祚永長而臣寮在
寵卿等各思盡心輔朕無使遠夷獨享斯美

太宗尤重內外制之任每命一舍人必咨詢宰輔求
才寔兼美者先召與語觀其品識然後授之嘗謂
近臣曰詞臣之選古今所重朕嘗聞人言朝廷命
一舍人六姻相負諺以為一佛出世豈容易哉郭

鷺南府人朕初即位以其樂在詞筆遂命掌記頗
聞制書出人或哂之亦且素無時望不稱厥位朕
亦為之醜顏業已進用亦終不令入翰苑後目覽
唐書故事多自卑位作學士者遂令杜鎬檢閱錄
唐朝學士不拘品秩自校書正字畿尉至尚書皆
得為之會官祿丞尹少連上書引馬周遇太宗
事其詞多上異其才召試何以刑措論文理
可觀即欲超擢詢及樞宰無有知少連名者慮不
協時望遂止蘓易簡荐吳人浚儀尉周亨浚拔可
任因御試貢舉人遂令亨考校臨觀與語以察其

器局俾易簡索其文章得白花鷹賦以比張茂先
鷓鴣之作文彩亦可尚 上意其非大器也語易
簡曰且可令序迂京秩更徐規之改光祿寺丞月
餘遇暴疾卒 上之衡鑑精審如此

太宗嘗謂侍臣曰國若無內患必有外憂若無外憂
必有內患外憂不過邊事皆可預為之防惟奸邪
無狀乃為內患深可惧為帝王當合用心于此

太宗初即位幸左藏庫視其儲積語宰相曰此金帛
如山用何能及先皇居常焦心勞慮以經費為念
何其過也薛居正等聞 上言皆喜其後征晉陽

討幽薊歲遣戍邊用度寢廣益鉄推酷閔市礬茗
之禁弥峻矣

太宗嘗至玉華殿議邊事議既定向敏中取紙筆將
批之 上曰卿大臣不當自作文李揆在外否耶
召入授其意令草之時揆承旨也

太宗留心政事淳化五年自署一副云勤公潔已奉
法除奸惠愛臨民始可称良吏本官有俸並給見
緡凡手札三十餘通命有司擇京朝官之有課最
者賜之殿中丞李虛已以循良清白預其選得知
遂州虛已作詩以獻自陳祖母年八十餘喜聞其

孫中循良之目 上喜甚批紙尾云吾真得良二
 千石矣賜錢五百緡以遺祖母翌日對宰相言及
 之云已與五百緡丞相曰前日所賜五百緡 上
 曰此誤也然不可以追改虛已父寅舉進士年六
 十餘以母老求致仕虛已亦純學篤慎極貧雖至
 尊之誤筆乃天所賜也然自是詔閣門不得受郡
 臣詩賦雜文之獻欲自荐者投文于中書宰臣第
 其臧否上之 並揚文
公說苑

太宗將討太原選軍中驍勇捷者教百人教以舞

劍皆能擲劍高丈餘袒裼跳躍以身左右承之

絕無比見者莫不震懼會北戎使至宴便殿日令

舞劍者數百人科頭露股挾劍而入跳擲承接霜

鋒露爪飛舞滿空戎使惧形于色淮海國王錢俶

等驚惧不敢仰視俶言于 上曰此尚書所謂如

熊如虎如貔者也 上甚悅及親征每巡城督戰

必令前道逞技賊乘城望之破膽

太宗詔作上清宮謂左右曰朕在藩時 太祖特鍾

友愛賞賚不可勝記今悉貿易以作一宮為百姓

請福不令費庫物王丐曰土木之作必有勞費不

免取百姓之脂膏耳上嘿然既營繕命中人董役

役人常不滿三千人三司率多移撥三五百人給
他作中人言于上曰有司所須之人皆要切汝
當自與計議圓融勿令有妨既而教年功不就言
事者多指之遂令罷役歲餘內道場與道流言及
之上即令出南宮旧金銀器數萬兩鬻于市以
給工錢訖其役宮成常詣焚香而已

至道初李繼遷遣其大校張浦入貢上御便殿召
衛士百輩習射御前所挽弓皆一石五斗以上先
是賜繼遷弓皆一石六斗繼遷但以朝廷威戎虜
謂非人力所能挽至若衛士皆引滿平射有餘力

上問浦戎人敢敵否浦曰蕃部弓弱矢短但見此
長大固已逃遁豈敢拒敵上悅後以浦為鄭州
防禦使留京師

有司歲請竹索以修河橋其教至廣太宗曰渭川竹
十畝與千戶候寺自河渠之役歲調寢廣民間竹
園率皆蕪廢為之奈何呂端曰芟葦亦可為索後
唐莊宗自楊留口渡河為浮梁用葦索上然之
公遣使臣詣河上列葦為索皆脆不可用遂寢當
莊宗渡河蓋暫時濟師也並揚文公談苑
交王宮翊善姚坦好直諫王常作假山所費甚廣既

成召其屬置酒共覲之衆皆褒嘆其美坦獨俛首
不視王強使視之坦曰但見血山耳安得假山王
驚問其故坦曰州縣督稅上下相駭峻急里胥臨
門捕人此假山皆民租稅為之非血山而何是時
太宗亦為假山亟命毀之王每有過失坦未嘗不
盡言規正宮中自王以下皆不喜左右乃教王詐
稱疾不朝太宗日使人視之逾月不瘳上甚憂
之召王乳母入宮問王疾增損狀乳母曰王本無
疾徒以翊善姚坦檢束王居曾不得自便王不樂
故成疾耳上怒曰吾選端士為王僚屬者欲輔王

為善耳今王不能用規諫而又詐疾欲使朕逐去
正人以自便何可得也且王年少未知出此必尔
輩為之謀耳因命扯至後園杖之數十召坦慰諭
之曰卿居王宮為群小所嫉大為不易卿但能如
此毋患讒言朕必不聽田錫好諫直太宗或時
不能堪錫從容奏曰陛下日往月來養成聖性
上悅益重之聖政錄

太宗嘗謂侍臣曰朕萬机之暇不廢規書見前代帝
王行事多矣苟自不能有所剴裁全倚于人則未
知措身之所因言宋文帝恭儉而元凶悖逆及隋

皇朝通志卷之二
揚素邪佞唐許敬宗諂諛之事侍臣聳聽蘇易簡
曰披覽旧史安危治亂盡在聖懷斯社稷無窮之
福也

上覽兵法陰符經嘆曰此皆詭詐奇巧不足以訓至
論道德經則曰朕每讀至兵者不祥器聖人不得
已而用之未嘗不三復以為規戒

太宗征太原次澶淵太僕寺丞宋捷者掌出納行在
軍儲迎謁道左太宗見姓名喜以為我師有必
捷之兆車駕將至今語攻城諸將曰我端午日置
酒高會於太原城中至癸未繼元降乃五月五日

也

太宗謂曹彬曰朕令潘美出雁門先取靈應以大
軍聲言取幽州而持重緩行虜聞之必聚勁兵於
彼不復出援山後既而美果下襄朔靈應重進得
山後要害地

上親錄京師繫囚謂近臣曰為君勤政即得感召和
如後唐莊宗不恤國事惟務畋遊動經浹旬每出
大傷禾稼及還蠲其租稅此甚不君也張尤曰莊
宗蕪惑于音律縱酒自放中官典郡者教人上曰
大凡人君以勤勤為本仁恕為念朕在南衙時亦

嘗留心音律今非朝會未嘗張樂每旦下藥多以
益湯代酒鷹犬之娛素所不好且多殺飛走朕嘗
以此為戒寔事

帝語宰相曰史館所修太平總類自今日進三卷朕
當親覽宗琪曰陛下好古為樂現書不倦然日
覽三卷恐致倦罷帝曰朕性喜讀書開卷有益
每見前代興廢以為監戒雖未能盡記其未聞未
見之事固已多矣此書千卷朕欲一年讀徧曰思
好學之士讀萬卷書亦不為難大凡讀書惟性所
好若其不好讀亦不入昨日讀書從已至申有雀

飛止殿砌至罷方去左右曰昔楊震講學有雀啣

鱸墜堂下亦此類也帝李

上讀老子語侍臣曰伯陽五千言讀之甚有益治身
治國之道並在其內至云善者吾亦善之不善者
吾則不善之此云善惡無不包容治身治國者其
術如是若每事不能容納則何以治天下哉
太平興國八年上顧宗琪李昉等曰朕因思閭里間
每日焚香祝天子萬歲朕與卿等焉得不日思善
事以付億兆之禱宗琪曰臣等蒙陛下不次擢用
又承戒諭豈敢為不善之事以負宸恩惟思公勤

以補萬一減再拜謝並事

太宗作九絃琴七絃阮嘗聞其琴蓋以宮絃加二十
絲號為大武宮絃減二十絲號為小武其大絃向
下宮徽之一徽定其聲小絃向上宮徽之一徽定
其聲太宗嘗酷愛宮調中十小調子乃隋賀若弼
所撰其聲與意及指取聲之法古今無能加者十
調者一曰不博金二曰不換玉三曰夾泛四曰越
溪吟五曰越江吟六曰孤猿吟七曰清夜吟八曰
菜下閨蟬九曰三清外一調最復古亡其名琴家
祇命曰賀若弼太宗嘗謂不博金不換玉二調之

名頗俗御改不博金為楚澤秋不換玉為塞門積
雪命近臣十人各撰一撰調撰一詞獲翰林易簡
撰得越江吟曰神仙神仙瑤池宴片：碧桃零落
春風晚翠雲開處隱：金輦挽玉鱗背冷清風遠
文堂至京師遍尋琴阮待詔皆云七絃阮九絃琴
藏府中不得見湘山野錄

太宗善飛白其字大者方教尺善書者皆服其妙又
小草特工語侍臣曰朕君臨天下亦何事筆硯但
心好之不能捨耳江東人多稱能草書累召詰之
殊未知向背但填行塞白裝成卷帙而已草字學

難完飛白筆勢雄二無亦恐自此廢絕矣以數十
軸藏于秘府

上嘗作奕棋三勢使內侍裴愈持以示館學士莫能
曉者其一曰獨飛天鷲勢其二曰對面千里勢其
三曰大海取明珠勢皆上所製上親指授諸學士
始能曉之皆嘆服神妙前後召待詔寺對奕能多
奕局為圖藏于秘閣古棋圖之法以平上去入分
四隅為記交襟難辨徐鉉改為十九字一天二地
三才四時五行六官七斗八方九州十日十一冬
十二月十三閏十四雉十五望十六相十七笙十

八松十九客以此易古圖之法甚為便簡並揚文公談苑

賈黃中字媧民滄州人耽之四代孫太宗時以給

事叅知政事召見其母王氏命坐與語曰教子如

此此今之孟母矣作詩美之未幾罷知澶州太

宗戒之曰小心翼：君臣皆當如此矣太過則失

大臣之体太宗謂其母有賢德年七十餘未衰

與之語甚敏目謂近臣曰黃中多憂畏必先其母

死及其卒母尚無恙范蜀公蒙求

太宗曰古者一夫耕三人食尚有受其餒者今殆二

十人矣東南之俗連村跨邑去為僧者蓋墮稼穡

而避徭役耳泉州奏未剃僧尼係藉者四千餘人其已剃者數萬人尤可驚駭

是事

六月命內供奉官藍敏政賫御書草五軸藏秘閣史館修撰張似直秘閣朱昂率三館之士登閣以觀之信神筆也敏政仍言上雖盛夏之時筆札未釋手服勤樂前代帝王皆所不及似等相謂曰萬乘之尊尚勤薦若此臣子當如何哉各瞻翫移時而退

淳化三年九月

太宗新修秘閣帝登閣覩群書整

齊喜形于色謂侍臣曰喪亂以來經籍散佚周孔

之教將墜于地朕即位之後多方收拾

御名同音

募今方及數萬卷千古治亂之道並在中矣即召

侍臣賜坐仍命酒召三館學士願為日晚還宮顧

昭宣使王繼恩曰亦可召傳潛戴與令至閣下恣

觀書籍給御酒諸將飲宴潛等皆典禁兵帝欲

其知文儒之盛故也

並蓬山志

卷之二終

皇朝類苑卷之三

祖宗聖訓

真宗

龍圖閣直學士陳彭年因次對論儒術汚陰君臣難
 易之要 上曰朕每念 太祖 太宗丕變衰俗
 崇尚斯文垂立教人寔有深旨朕謹遵聖訓紹繼
 前烈庶警學者人君之所難在于聽受人臣之不
 易在于忠直其或君以寬大接下臣以誠明奉上
 君臣之心皆歸于正上下之際靡失厥中直道而
 行至公而遇治國猶指諸掌孰曰難哉因作二論

示之出守

右正言知制誥朱巽上言朝廷命令不宜屢改自今應陳述利害更張法制請委官司議其可否如經久可行者行之不可者止之真宗謂群臣曰命令屢改甚失治躰卿等制之且事有可否執政者所宜盡心無有隱也聖政錄

真宗即位每旦每御前殿中書樞院三司開封府審刑院及請對官以次奏事辰後入宮上食少時出坐後殿閱武事至日中罷夜則召侍講侍讀學士詢問政事或至夜久還宮其後率以為常

真宗初即位以工部侍郎郭贄知天雄軍贄自陳恣閔泣下不肯去真宗曰全魏重地委任于卿亦

非輕也宜去贄退召輔臣問之輔臣對以近例亦有已受命而復留者上曰朕初嗣位命贄知大藩而不行卒何以使人遣之群臣皆畏服國朝事

五年講春秋畢邢昺曰春秋一經少有人聽多或中輟帝曰勤學有益最勝他事且深資政理無如經書朕聽政之暇惟文史是樂講論經藝以日易時寧有倦耶十月召近臣觀書龍圖閣帝曰朕自幼至今讀經典其間有聽過數回在東宮時惟以

聚書為急其間亡逸者多方搜求頗有所得今已類成正本除三館秘閣外又於後苑龍岡閣各存一本但恨校對未精如青宮要紀雜錄治民論此一書二名並列篇目蓋收書之初務以數多不嫌重複甚無謂也

景德四年三月召近臣觀書玉宸殿即帝偃息之所茵幃皆黃絹為之無文彩之飾聚書八十餘卷天禧元年二月詔太子中允直龍圖閣馮元誦易于宣和門之北閣待制預為自是聽政之暇遂以為常三年九月召宰臣樞密兩制及東宮僚屬於清

涼殿觀書帝以青宮要紀事有未備因博采羣書廣為采華要略十卷每篇著贊以賜皇太子至是書成故召近臣觀焉帝雖政務繁劇亦中夕披閱條其舛互織悉窮究諸儒疲于應對為文務求溫雅製述尤多中外奏疏歌謠無不重複省覽暑月或衣單絺流汗浹体而詳覽不輟文史政事之外無他玩好帝讀經史披其可以為後世法者著正說五十篇其後仁宗御經筵命侍臣日講一篇並帝學

景德元年十二月契丹使韓祖奉書于行宮請息兵

納和與曹利用偕來初議求關南地真宗曰為民
屈已誠所不辭但關南地極無名朕守祖宗基
業不敢失墜必若固求當決一戰所念河南重擾
倘歲以金帛濟其不足於體無傷利用言國母一
車別無供帳親與利用飲食輒上橫板布食器主
及其臣重行而坐記云私語左右曰爾見北塞兵
否勁卒利器前聞不同臣孰察之倘求割地必請
會即蕩平及通好二年十一月癸酉國母因主各
遣使來賀承天節致御衣十二襲皆裘細綉刻絲
透皆紬縠貯以金玉水晶鞍勒馬八散馬四百弓

矢冥鉄刀鷹鵠糝脂契丹新罷酒青白鹽果寔百
品貯以練襦器使人以戎禮見賜毡冠窄袍金鞵
初時見李宗鷲引令式不許佩刀玉至上閣門欣
然解之上曰戎人佩刀是其常禮傳詔許其自
便副使劉經曰聖上推心置人腹中足以示信遐
迩也

真宗覽兩浙提點刑獄皇甫選獄空奏曰謂近臣曰
聞選務欲所部獄空常戒諸州無得禁人若詞訟
赤辨止令知左曲直邪正無以辨明當論轉運使
察之目道諸非法拷詢恐致非辜近覽其獄尚復

逾越當申明前詔戒之並見三朝訓鑒

真宗好文雅以文辭取士然必視其器識每御崇政

賜進士及第必召其高第三四人並列于廷更察

其形神宏偉者始賜第一人及第或取其所試文

辭理趣者輒鑄鼎象物賦云足惟下正詎聞公餗

之倚傾鉉乃上居寔取王臣之威重遂以為第一

齊歸田錄置器賦云安天下於覆盂其功可大遂為第二

上嘗謂近臣曰朕聽政之外未嘗虛度日時撰討簡

編素所耽玩古聖賢奧旨有未曉處不免廢寢忘

食昨置侍講侍讀學士自今今秋閣官每夕其名

聞奏朕欲召見得以訪問其後每當直或召對多

至二三鼓方退

上嘗謂王旦等曰經史之文有國家之龜鑑保邦治

民之要盡在是矣然三代之後典章文物制度聲

名參古今而遠時用莫若史漢學者可不盡心焉

旦曰孔子於衰周歷聘諸國退而刪詩書定禮樂

以五常之道垂萬世法後之王者雖上聖必師範

之古人云生民以來未有如夫子者蓋以此也如

云志在春秋者誠欲以褒貶極筆為終古誅賞之

法使亂臣賊子觀而知慎茲立教之深旨為國家之大要自司馬遷為一家之書蓋知春秋凡例不可記故曰紀曰書曰世家曰列傳勸懲之微旨在焉班固而下不出其意但為詞采而已上曰夫子之道不可斯頃而舍迂儒或言堯舜之時無夫子亦治此淺識之甚殊不知夫子之道堯舜之道也故曰祖述堯舜憲章文武又曰惟天為大惟堯則之其推尊而宗舜至所謂夫子之道與舜也上嘗謂近臣曰古人多言禱神可以延福未必如此能行好事福必及之如禮記世子篇注云文王以

憂勤損壽武王以快樂延年其聖經之旨必不如此蓋注皆不思甚也文王焦思勞神以憂天下豈得減壽耶夏禹焦勞有錫圭之瑞而享國永年大約帝王能憂人之憂不自遐逸豈無感應鄭康成注此頗不近理安足為之鑒哉朕嘗與邢昺論之昺不能對並事寔

咸平初修太宗實錄命錢若水主其事若水舉給事中柴成務起居舍人李宗諤侍御史宗度涓子及賊方員外郎吳淑上指宗諤曰自太平興國八年已後皆昉在中書日事史策本憑直筆倘子

為父隱何以傳信於後代乎除宗諤不許餘悉可
之揚文公談苑

太宗善草隸行八分篆飛白六體皆極其妙而書尤

奇絕今上悉賂求編次凡三十卷于闐玉水晶

檀香為軸素紫綾標文錦條黃絹帕金漆櫃作圖

閣於含元殿之西南隅以藏之頻召近臣觀覽稱

嘆上自作太宗聖文神筆頌親書刻碑以美其事

碑陰列其部秩名題以墨本賜近臣焉楊文公談苑

祥符中諸王有以翰林使醫有效乞除選郡真宗

曰醫工為郡非治朝美事厚賜之可也仍令宰臣

面諭此意真宗一日晚坐承明殿召學士對既

退中人就宣諭曰朕遠忘御袍帶卿無訝為學士

將降謝中人止之云上深自愧責有首放謝真宗

禮遇詞臣厚矣澠水燕談

真宗嘗諭宰相臣補郎官稱其行甚美俟罷郡來

朝與除監司及還帝還詰及之執政擬奏將以

次日上之晚歸里第其父來謁明日乃以名荐

上默然不許退察所以乃知已為伺察者密報矣

終真宗之世其人不復進用真宗之惡奔競

如此真

真宗詔諸儒編君臣事迹一千卷曰冊府元龜不欲
以后妃婦人等廁其間別有纂彤管懿範七十卷
又命陳文信公褒歷代帝王文章為宸章集二十
五卷

真宗時京師民家子有與人鬪者其母追而呼之不
從其母真躓而死法官處其罪當笞上曰母言
不從犯教令當徒二年何為笞也郡臣無不驚服

涑水紀聞

真宗嘗謂李宗諤曰聞卿能教睦宗族不殞家声朕
今保守祖宗基業亦猶卿之治家也

咸平三年大理寺上言曰本寺案牘未結者常幾百
事言近日踰月並無公按漢文決死刑四百唐
太宗決下罪三百死之以刑措今以四海之廣
而刑奏不聞動徹踰月是以知民識禮義而不死
於有司也請載之史筆

景德初寇澶車駕議幸是時曹武公瑋及秦翰為澶
駐泊詔許便宜軍馬事不由申覆二將議曰戎輅
不過河則已萬一度橋奈澶州素不設備遂督士
卒深濶渠以遠城旋開旋以枯蒿藁草覆渠面
使虜不測其深淺駕至澶臣僚乞駐蹕澶南宣靈

諫以滅之可也惟高殿前瓊力挽銜駕以進揚其
声曰儒人之言多二三願陛下莫遲疑不渡河無
以安六軍之心御駕方渡搗時士卒不山呼左右
頗異之瓊曰乞急張黃幄使遠近認之既張繖果
齊声呼萬歲士氣歡振是時車駕次澶北勾奴羃
帳前一黑星殞若巨石其声鳴吼移刻始盡此最
為澶淵之先吉也

皇弟雍王元份留守東京暴中風眩急詔王文正且

代司留守

湘山野錄

真宗西祀回召臣寮赴後苑宣示 太清樓聚書記

朝拜調陵自辛酉京記西京內東門彈丸壁記皆
御書也笑謂近臣曰雖不至精優盡是朕親撰不
假手于人此語蓋指在揚大年也

真宗嘗謂宰臣以河東之役兵力十倍當一舉克捷
良由上党發願之時左右有聞之者賊聞此語知
神兵自戢堅守不日下至煩再舉

東軒筆錄

真宗聽政之暇惟務觀書每觀畢即有篇咏使近臣
和故有御製者尚書三章者春秋三章者周易三
章者禮記三章者孝經三章後有御製讀宋書
首讀 書二首讀後漢書三首讀北齊書二首讀

後周書三首讀隋書二首讀唐書三首讀五代梁
 史二首讀五代後唐史二首讀五代晉史二首讀
 五代周史三首可謂近時好學之至也青箱
襟記
 真宗幸崇文院閱新編君臣事迹間楊億修撰條例
 真宗曰著書難事非精敏詳寔後無取信億曰史
 臣記事誠合倫書然事有依據可載冊簡者方得
 紀錄脩書器幣

景德二年詔國子監直講孔奭龍圖閣侍制杜鎬等
 同校定莊子鎬等以莊子序非郭象之文曰刪去
 真宗嘗出序文謂宰相曰觀其文理可尚但傳馮訛

外耳乃命翰林學士李宗諤直學士楊億龍圖閣
 陳彭年別加讐校冠篇首直史館陳靖言吉州陸
 暉被疾狂噪迭相論訴不可治民望寘詞館史以

鈐繫供職真宗曰國家文館以待天下賢俊豈食
 疾之所耶陳靖妄有陳述當謹戒之見蓬
山志

景德四年朝陵次鞏縣監軍康維彬獻洛鯉三十足
 上曰朕見其生不忍食之又王宸殿養魚垂釣得
 亟令放之顧左右曰萬類一死無再生不欲殺也
 右正言知制誥宋翼轉對言朝廷命今天下不可屢
 有改更自今應陳述利害改張法制者望先委有

司詳設其經久可行者行之不可行者止之庶張
綱紀以絕分爭 上願宰臣曰此甚識体且事之
可否執政之地所宜盡言無隱惟貴君臣道合若
上下同心何憂不治今四方無虞類卿等慎守經
制若一事遽行則援重詞說競起處置頗難是知
今之所施不可不慎至若言事利病輕為釐草初
則皆以為當後則反成有害及復正其事乃是朝
令夕改此事尤當執守書云慎乃出令：出惟行
此之謂也上又曰涖官之人不可大寬致成弛慢
亦不可過求人之罪務于煩擾王旦古人有法出

而弊作令下而好生寬則民慢臨法者多極則民
殘無所措手足正謂此也上深然之
上見
事寔



